





李太白文集卷之二十六

錢塘

王琦琢峴輯註

濟魯川較

表書共九首

為吳王謝責赴行在遲滯表

通鑑天寶十四載十二月安祿山以

張通晤為睢陽太守與陳留長史楊朝宗將胡騎千餘東畧地郡縣官多望風降走惟東平太守嗣吳王祗濟南太守李隨起兵拒之郡縣之不從賊者皆依吳王為名十五載二月上以吳王祗為靈昌太守河南都知兵馬使三月戊辰吳王祗擊謝元同走之拜陳留太守河南節度使五月太常卿張瑄薦夷陵太守號王巨有勇略上徵吳王祗為大僕卿以巨為陳留譙郡太守河南節度使至德二載十一月張鎬率魯炁來瑱吳王祗李嗣業李奐五節度徇河南河東

郡縣皆下之其赴行在疑在徵為大僕卿時事
漢書徵詣行在所顏師古曰天子或在京師或
出巡狩不可豫定故言行在所耳三輔黃圖行
在所天子以四海為家不以京師宮室居處為
常則當乘車輿以行天下車輿所至奏事皆曰
行在獨斷天子所在曰行在所十六國春秋天
子以四海為家故行在
曰乘輿止曰行在

臣某言伏蒙聖恩追赴行在臣誠惶誠恐頓首頓首

繆本少
二字

臣聞胡馬矯首嘶北風以跼顧越禽歸飛戀

南枝而刷羽所以流波思其舊浦落葉墜於本根在

物尙然矧於臣子

齊東野語今臣僚上表所稱誠惶誠恐及誠懼誠喜頓首稽首者謂

之中謝中賀自唐以來其體如此蓋臣某以下畧叙數語便入此句然後敷陳其詳古詩胡馬依北風越鳥巢南枝水經註胡馬感北風之思遂頓羈絕絆驤首而馳晨發京城食時至燉煌北塞外長鳴而去揚

雄甘泉賦仰矯首以高視兮劉良註矯舉也潘岳寡
婦賦馬悲鳴而踟顧劉良註踟顧蹠踟顧盼不前也
潘岳詩徒懷越鳥志眷戀想南枝梁簡文帝詩銜苔
入淺水刷羽向沙洲張協詩流波戀舊浦張駿東門
行休否有終極
落葉思本莖
臣位叨盤石辜負明時才闕總戎謬

當強寇驚拙有素天實知之伏惟陛下重組乾綱再

清國步慙

當作慙

臣不逮賜臣生全歸見白日死無遺

恨

韻會叨濫也漢書高帝王子弟地犬牙相制所謂
盤石之宗也韻會孤負也毛氏曰孤負之孤當作

孤俗作辜非隋書總戎塞表胡虜清塵盧思道孤鴻

賦序才本駕拙性實疏嬾范甯穀梁傳序周道衰陵

乾綱絕紐疏曰乾綱者乾為陽喻天子坤為陰喻諸

侯天子總統萬物若綱紀衆細故曰乾綱絕紐者紐

是連繫之詞諸侯背叛四海分崩若紐之絕故曰絕

紐詩大雅國步斯頻朱子註步猶運也廣韻慙憐也

慙聰也二字異義世

然臣年過耳順風瘵日加鋒鏑

多以慙作慙非是

殘骸劣有餘喘雖決力上道而心與願違貴貪尺寸

之程轉增犬馬之戀非有他故以疾淹留

郭璞爾雅註今江東

呼病曰瘵廣韻劣弱也少也陳書高祖紀決力取之曹植上責躬應詔詩表不勝犬馬戀主之情○瘵音

債銷音的

今大舉天兵掃除戎羯所在郵驛微發交馳臣

逐便水行難於陸進瞻望丹闕心魂若飛慙墜履之

還收喜遺簪之再御不勝涕戀屏營之至謹奉表以

聞繆本少謹奉表以聞五字○韻會翔本地各上黨武鄉羯室也晉匈奴別部居之後因號胡戎為羯

說文郵境上行書舍也驛置騎也一云步傳為郵馬傳為驛新書楚昭王與吳人戰楚軍敗昭王走而履

決肯而行失之行三十步復旋取履及至于隨左右問曰王何惜一蹄履乎昭王曰楚國雖貧豈愛一蹄

履哉惡與偕出勿與俱反也自是之後楚國之俗無相棄者韓詩外傳孔子出遊少源之野有婦人中澤

而哭其音甚哀孔子使弟子問焉曰夫子何哭之哀
婦人曰向者刈著薪亡吾著簪吾是以哀也弟子曰
刈著薪而亡著簪有何悲焉婦人曰非傷亡簪也蓋
不忘故也廣雅屏營征俗也國語屏營傍徨於山林
之中後漢書夙夜屏營未知所立蓋言惶懼之意後
人表箋言激切屏營正是此義○錫音揭屏音并

爲宋中丞請都金陵表

宋名若思爲
御史中丞

臣某言臣誠惶誠恐頓首頓首臣聞社稷無常奉明
者守之君臣無定位闇者失之所以父作子述重光
疊輝天未絕晉人惟戴唐以功德有厚薄運數有修
短功高而福祚長承德薄而政教陵遲三后之姓於

今爲庶非一朝也

左傳社稷無常奉君臣無定位自
古已然杜預註奉之無常人言惟

德也書願命昔君文王武王宣重光左傳介之推曰
獻公之子九人唯君在矣惠懷無親外內棄之天未

絕晉必將有主主晉祀者非君而誰漢書谷永傳以
功德有厚薄期質有修短王嘉傳縱心恣欲法度陵
遲顏師古註陵遲卽陵夷也言漸頹替也魏書政教
陵遲至於凋薄左傳三后之姓於今爲庶主所知也
杜預註三后伏惟陛下欽六聖之光訓擁千載之鴻
虞夏商也

休有國之本群生屬望粵自明兩光岐之陽昔有周

太王之興發跡於此天啟有類豈人事與六聖高祖太宗高宗

中宗睿宗玄宗也書顧命用咎揚文武之光訓孔安
國傳用對揚聖祖文武之大教隋書鴻休永播久而
彌新北齊書太子國之根本周易明兩作離大人以
繼明照於四方唐時岐州領天興岐山扶風麟遊普
潤寶雞盩厔號郿九縣屬關內道去京師三百七十
里周太王遷國於岐山之下卽其地也魯頌云后稷
之孫實惟太王居岐之陽實始剪商天寶元年改稱
扶風郡肅宗卽位於靈武改稱扶風爲鳳翔郡二載
遂駐蹕於鳳翔其年十月克復兩京始還長安皇朝百五十年金革不作逆

胡竊號剝亂中原雖平嵩邱填伊洛不足以掩宮城
之骸骨決洪河灑秦雍不足以蕩犬羊之羶臊毒浸
區宇憤盈穹旻此乃猛士奮劍之秋謀臣運籌之日
夫不拯橫流何以彰聖德不斬巨猾無以興神功十
亂佐周而克昌四凶及虞而乃去去元凶者非陛下

而誰

嵩邱嵩山也爲河南巨鎮伊洛二水爲河南巨川見一卷明堂賦註唐書地理志西京宮城長

千四百四十步廣九百六十步周四千八百六十步
其崇三丈有半東都宮城長千六百二十步廣八百
有五步周四千九百二十一步其崇四丈八尺以象
北辰藩衛曰紫微城雍錄唐都城三重外一重名京
城內一重名皇城又內一重名宮城亦名子城洪河
黃河也西京賦帶以洪河涇渭之川唐之西京古秦
地在禹貢爲雍州之域故曰秦雍周禮羊泠毛而羶
羶犬赤股而躁臊正義云依庖人職註臊謂犬也羶

謂羊也冷毛謂毛長也毳謂毛別聚結者此羊肉必
羶也赤股者股裏無毛謂之赤股非謂肉赤而走又
躁疾犬有如此者其肉必臊鄭康成周禮註杜子春
云臊犬膏羶羊脂也張衡東京賦區宇又寧穹旻天
也爾雅疏李巡云仰視天形穹隆而高其色蒼蒼故
曰穹蒼旻閔也言其以仁慈之恩覆閔在下則稱旻
天今日穹旻蓋變文稱之漢書運籌幃幄之中決勝
千里之外傅亮修張良廟教夷項定漢大拯橫流東
京賦巨猾間豐竊弄神器書泰誓子有亂臣十人同
心同德正義云亂治也謂我治理之臣有十人也論
語引此而孔子論之有一婦人焉則十人之中其一
是婦人故先儒鄭玄等皆以十人爲文母周公太公
召公畢公榮公太顛闕天散宜生南宮适也左傳昔
帝鴻氏有不才子天下之民謂之窮奇顓頊氏有不
才子天下之民謂之窮奇顓頊氏有不才子天下之
民謂之檮杌此三族也世濟其凶增其惡名以至於
堯堯不能去緡雲氏有不才子天下之民謂之饕餮
謂之饕餮舜臣堯賓於四門流四凶族投諸四裔以
禦魑魅宋書志梟且道有興廢代有中季漢當三七
元凶少雪仇耻

莽亦爲災赤伏再起丕業終光非陛下至神至聖安

能勃然中興乎

漢書谷永傳時世有中季天道有盛衰顏師古註中讀爲仲宋書漢元成

世道士言讖者云赤厄三七三七二百一十年有外

戚之篡祚極三六當有龍飛之秀興復祖宗及莽篡

漢漢二百一十年矣莽十八年而敗光武興焉赤伏

見九卷註司馬相如封禪文天下之壯觀王者之丕

業以臣料人事得失敢獻疑於陛下臣猶望愚夫千

慮或冀一得

列子北山愚公其妻獻疑漢書廣武君曰臣聞智者千慮必有一失愚者千慮

亦有一得當作

者賊臣楊國忠蔽塞天聰屠割黎庶女

弟席寵傾國弄權九土泉貨盡歸其室怨氣上激水

旱荐臻重羅暴亂百姓力屈卽欲平殄蝥賊恐難應

期且圖萬全之計以成一舉之策

魏書樹列朋黨蔽塞天聰舊唐書楊

國忠傳太真妃卽國忠從祖妹也書畢命茲殷庶士
席寵惟舊孔安國傳居龍日久正義云席者人之所
處故爲居之義太真外傳楊氏權傾天下每有囑請
臺省府縣若奉詔勅四方奇貨童僕駝馬日輸其門
灑湘錄楊國忠權勢漸高四方奉貢珍寶莫不先獻
之豪富奢華朝廷間無敵通鑑天寶十三載自去歲
水旱相繼關中太飢詩大雅飢饉薦臻左傳率我蝥
賊以來搖蕩我邊疆杜預註蝥賊食禾稼蟲名○蝥
茅音今自河以北爲胡所凌自河之南孤城四壘大盜

蠶食割爲洪溝宇宙峴岬繆本作杌昭然可觀凌凌轆謂踐頭也禮

記四郊多壘鄭康成註壘軍壁也漢書稍蠶食六國
顏師古註蠶食謂漸吞滅之如蠶食葉也孔穎達毛
詩正義蠶食者蠶之食桑漸漸以食使桑盡也洪
溝卽鴻溝見十一卷註岬岬不安也見三卷註臣

伏見金陵舊都地稱天險龍盤虎踞開扇自然六代
皇居五福斯在雄圖霸跡隱軫由存咽喉控帶縈錯

如繡天下衣冠士庶避地東吳永嘉南遷未盛於此

龍盤虎踞見七卷註石林燕語太一有五福大游小

游四神天一地一直符君綦臣綦民綦凡十神皆天

之貴神而五福所臨無兵疫玉海說者謂太一貴神

有十而尊曰五福遷徙有常幸四十五歲而一易靈

遊所直之方祥慶駢集雨暘時叙農扈屢豐民物阜

康無或疵癘晉書武畧雄圖比蹤前烈謝靈運詩隱

軫邑里密緬邈江海遼史記秦韓之地形相錯如繡

宋書晉永嘉大亂幽冀青并兖州及徐州之淮北流

民相率過淮亦有過江在晉陵郡界者臣又聞湯及盤庚五遷其邑典

謨訓誥不以爲非衛文徙居楚邱風人流詠

尚書序盤庚五

遷將治亳殷民咨胥怨作盤庚三篇孔安國傳自湯

至盤庚凡五遷都史記帝盤庚之時段已都河北盤

庚渡河南復居成湯之故居乃五遷無定處殷民咨

胥皆怨不欲徙盤庚乃告諭諸侯大臣正義曰湯自

南亳遷西亳仲丁遷敖河亶甲居相祖乙居耿盤庚

渡河南居西亳是五遷也毛詩傳定之方中美衛文

公也衛爲狄所滅東徙渡河野處漕邑齊桓公攘夷狄而封之文公徙居楚邱始建城市營宮室得其時制百姓悅之國家殷富焉伏惟陛下因萬人之蕩析乘六合之壽

張去扶風萬有一危之近邦就金陵太山必安之成

策苟利於物斷在宸衷

書盤庚今我民用蕩析離居書無逸無或胥講張爲幻孔

安國傳講張誑也劉琨答盧諶書自頃軫張困於逆

亂李善註併張驚懼之貌舊說併講通用是太白所

用講張字當作驚

况齒革羽毛之所生榷楠豫章之

懼解○講音舟

所出元龜大貝充物其中銀坑鐵冶連綿相屬剡銅

陵爲金穴煮海水爲鹽山以征則兵強以守則國富

橫制八極克復兩京俗畜來蘇之歡人多後后之望

禹貢揚州厥貢齒革羽毛惟木孔安國傳齒象牙革犀皮羽鳥羽毛旄牛尾木榷梓豫章正義曰榷梓豫

章此三者是揚州美本故傳舉以言之所貢之木不止於此大禹謨昆命於元龜正義曰元龜謂大龜也白虎通江出大貝海出明珠尚書正義伏生書傳云散宜生之江淮取大貝如大車之渠子虛賦充仞其中者不可勝紀唐書地理志揚州廣陵郡有丹陽監廣陵監錢官二江都縣有銅六合縣有銅有鐵海陵縣有鹽官天長縣有銅昇州江寧郡上元縣有銅有鐵句容縣有銅溧水縣有銅溧陽縣有銅有鐵剡削也銅陵出銅之山金穴藏金之窟漢書採山銅以為錢煮海水以為鹽書仲虺之誥攸徂之民室家相慶曰後我后后來其蘇後待也后君也蘇復生也○梗音胼剡音產 陛下西以峨嵋為

壁壘東以滄海為溝池守海陵之倉獵長洲之苑雖

上林五柞復何加焉峨嵋山見三卷註漢書枚乘傳轉粟西向陸行不絕水行滿河

不如海陵之倉修治上林雜以離宮積聚玩好園守禽獸不如長洲之苑音灼曰海陵海中為倉也臣瓚曰海陵縣名也有吳太倉服虔曰長洲吳苑孟康曰以江水洲為苑也韋昭曰長洲在吳東太平寰宇

記海陵倉卽漢吳王濞之倉也牧乘上書曰轉粟西
向水行滿河不如海陵之倉謂海渚之陵因以爲倉
今已堙滅長洲苑在蘇州長洲縣西南七十里藝文
類聚吳地記曰長洲在姑蘇南太湖北岸闔閭所遊
獵處也吳先主使徐詳至魏魏太祖謂詳曰孤願越
橫江之津與孫將軍遊姑蘇之上獵長洲之苑吾志
足矣上林苑五柞宮俱見
一卷大獵賦註○柞音昨 上皇居天帝運昌之都儲

精真一之境有虞則北閉劍閣南扃瞿塘蚩尤共工

五兵莫向二聖高枕人何憂哉飛章問安往復巴峽

朝發白帝暮宿江陵首尾相應率然之舉

左思蜀都賦遠則岷

山之精上爲井絡天帝運期而會昌劉淵林註河圖
括地象曰岷山之地天爲井絡帝以會昌神以建福
上爲天井昌慶也言天帝於此會慶建福也甘泉賦
諸精垂恩李善註儲精儲蓄精誠也羅莘路史註三
皇經云皇人者秦帝之所使在峨眉山黃帝往受真
一五牙之法楊谷授道記云黃帝見天皇真一之經

而不決遂周流四方謁皇人於蛾眉而問真一之道
其言大率論水火絳宮大淵之事云劍閣見三卷蜀
道難註瞿塘見四卷長干行註說文肩外閉之關也
述異記軒轅之初立也有蚩尤氏兄弟七十二人銅
頭鐵額食鐵石軒轅誅之於涿鹿之野蚩尤能作雲
霧涿鹿今在冀州有蚩尤神俗云人身牛蹄四目六
手今冀州人掘地得髑髏如銅鐵者卽蚩尤之骨也
秦漢間說蚩尤氏耳鬚如劍戟頭有角與軒轅鬪以
角觸人人不能向羅萃路史註世本云蚩尤作五兵
戈矛戟酋矛夷矛黃帝誅之涿鹿之野淮南子昔共
工之力觸不周之山使地東南傾與高辛爭爲帝遂
潛於淵宗族殘滅繼嗣絕祀文獻通考女媧末年共
工氏在智刑以強霸而不王與祝融戰不勝怒觸不
周山以死朝發白帝暮宿江陵詳見二十卷早發白
帝城詩註禮記正義兵書云善用兵者似率然率然
者常山蛇也擊其首則尾至擊其尾則首至擊其中
則首尾俱至○儲音
除肩涓熒切音駟

不勝屏營瞻雲望日之至謹先

奉表陳情以聞

謹先以下八字繆本缺○晉書
張軌傳瞻雲望日孤憤義傷